

UGOVOR

o nabavci usluga geološkog istraživanja – izrada elaborata o inženjerskogeološko- geotehničkim karakteristikama terena za kompleks krematorija sa pratećim sadržajem na groblju Vlakovo

UGOVORNE STRANE

UGOVORNI ORGAN: KJKP „POKOP” d.o.o. Sarajevo, Mula Mustafe Bašeskije 38, kojeg zastupa direktor, Goran Cerić (u daljem tekstu: Ugovorni organ)
ID broj: 4200119040004; Porezni broj PDV: 200119040004;

DOBAVLJAČ: „DESIGN&QC,, d.o.o. Sarajevo, ul. Džemala Bijedića 25D, kojeg zastupa direktor Korjenić Muris dipl.inž.građ.(u daljem tekstu: Dobavljač)
ID broj: 4201327100009, porezni broj PDV: 201327100009.

UVODNE ODREDBE

Član 1.

Ugovorne strane sklapaju ovaj Ugovor na osnovu provedenog Direktnog sporazuma za javnu nabavku usluga geološkog istraživanja – izrada elaborata o inženjerskogeološko- geotehničkim karakteristikama terena za kompleks sa pratećim sadržajem na groblju Vlakovo, prihvaćene Ponude Dobavljača broj 0602-3429-3/18 od 12.10.2018. godine i Odluke o izboru najpovoljnijeg dobavljača broj 0602-3429-4/18 od 15.10.2018. godine.

PREDMET UGOVORA

Član 2.

Predmet ovog Ugovora je nabavka usluga geološkog istraživanja – izrada elaborata o inženjerskogeološko- geotehničkim karakteristikama terena za kompleks krematorija sa pratećim sadržajem na groblju Vlakovo, a prema prihvaćenoj ponudi dobavljača, koja čini sastavni dio ovog Ugovora.

UGOVORENA CIJENA

Član 3.

Ugovorena cijena za usluge iz člana 2. ovog Ugovora iznosi:

Cijena usluga koja su predmet ovog Ugovora bez PDV-a iznosi	4.900,00KM
PDV na ponuđenu cijenu usluga iznosi	833,00KM
Cijena usluga koja su predmet ovog Ugovora sa PDV-om iznosi	5.733,00KM

Jedinične cijene date u ponudi su fiksne i nepromjenjive u toku trajanja Ugovora.

PLAĆANJE

Član 4.

Ugovorni organ će plaćanje cijene iz člana 3. ovog Ugovora, izabranom Dobavljaču izvršiti u roku do 30 (trideset) dana nakon dostavljanja elaborata o inženjerskogeološkog-geotehničkom karakteristikama terena sa potrebnim grafičkim priložima i isporukom u 3 (tri) primjerka i 1 (jedan) primjerak u elektronskoj formi (primjerak na CD) i nakon prijema uredno ispostavljene fakture za izvršenu uslugu i usvajanja projekta od stane ugovornog organa, na transakcijski račun naznačen na fakturi.

Dobavljač je dužan izdati/sačiniti fakturu u skladu s odredbama pozitivnih propisa, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

ROK REALIZACIJE

Član 5.

Dobavljač se obavezuje da će predmetnu uslugu izvršiti u roku od 10 (deset) dana od dana potpisivanja ugovora.

UGOVORNA KAZNA

Član 6.

U slučaju kašnjenja u izvršenju usluga do kojeg je došlo krivicom odabranog dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% ugovorenih usluga, za svaki dan kašnjenja do urednog ispunjenja, s tim da ukupan iznos ugovorne kazne ne može preći 10% od ukupno ugovorene vrijednosti usluga koja je predmet narudžbe.

Odabrani dobavljač je dužan platiti ugovornu kaznu u roku od 7 (sedam) dana, od dana prijema zahtjeva za plaćanje od Ugovornog organa.

Ugovorni organ neće naplatiti ugovornu kaznu ukoliko je do kašnjenja došlo usljed više sile.

Pod višom silom se podrazumijeva slučaj kada ispunjenje obaveza postane nemoguće zbog vanrednih vanjskih događaja na koje izabrani dobavljač nije mogao utjecati, niti ih predvidjeti.

OSTALE OBAVEZE DOBAVLJAČA

Član 7.

- Pored obaveza predviđenih važećim propisima, Dobavljač je posebno dužan da usluge iz člana 2. ovog Ugovora, izvrši stručno i kvalitetno, u svemu prema datoj Ponudi i zadatku.
- Dostaviti Elaborat o inženjerskogeološkog-geotehničkom karakteristikama terena sa potrebnim grafičkim priložima i isporukom u 3 (tri) primjerka i 1 (jedan) primjerak u elektronskoj formi (primjerak na CD).

OSTALE OBAVEZE UGOVORNOG ORGANA

Član 8.

Ugovorni organ se obavezuje da obezbijedi uslove za realizaciju Ugovora i osigura sredstva za plaćanje, u skladu sa načinom plaćanja (definisanim članom 4. ovog Ugovora).

RASKID UGOVORA

Član 9.

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne izvrši uslugu kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorne strane su saglasne da ni jedna

RJEŠAVANJE SPOROVA

Član 10.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorne strane ne postignu dogovor o spornim pitanjima, za rješavanje spora nadležan je sud u Sarajevu.

ZAVRŠNE ODREDBE

Član 11.

Na sve što nije određeno ovim Ugovorom, primjenjuju se odredbe Zakona o obligacionim odnosima.

Član 12.

Ovaj Ugovor se stupa na snagu danom obostranog potpisivanja Ugovora, od strane ovlaštenih lica ugovornih strana.

Član 13.

Ovaj Ugovor je sačinjen u 6 /šest/ istovjetnih primjeraka od kojih Ugovornom organu pripadaju 4 /četiri/ primjerka, a ostala 2 /dva/ Dobavljaču.

U znak prihvatanja svih prava i obaveza iz ovog Ugovora, ugovorne strane ga svojeručno potpisuju.

UGOVORNI ORGAN:

KJKP „POKOP“ d.o.o. Sarajevo



direktor, Goran Cerić

Broj, 0602-3429-5/18
Sarajevo, 15.10.2018.god.

DOBAVLJAČ:

„DESIGN&QC“, d.o.o. Sarajevo



direktor, Korjenić Muris dipl.ing. građ.

Broj, _____/18
Sarajevo, 15.10.2018.god.